

Vera, Roldan eta Asuncion dira Corcueraren ordezkoko aipatuenak

Bere dimisioari buruz hitz egiteko prentsaurrekoa emango du gaur Barne ministroak

Bere dimisioari buruzko prentsaurrekoa emango du gaur Jose Luis Corcuera Barne ministro espainiarak. Prentsaurrekoaren aurretik, ez da baztertzeko Felipe Gonzalezek ministro berriaren izena jakinaraztea, ziurra ez bada ere. Hautagai asko daude kargu horretarako, baina Rafael Vera, Luis Roldan eta Antoni Asuncion dira aipatuenak.

MADRIL

Corcuera atzoko iragarri zuen prentsaurrekoa, baina igande arratsaldean gaur arte atzeratu egin zela jakinazi zuten Barne Ministerioko iturriek. Egun horretan bertan, Corcuera Felipe Gonzalez presidentearekin elkarrizketatu zen bere dimisioari buruz hitz egiteko eta bere ordezkoa izan litekeenari buruz eztabaidatzeko. Gonzalezek Corcuera dimititzeko nahiko arrazoirik ez dagoela esan arren, badirudi onartu egingo duela Barne ministroaren eskaera eta gaur bertan eman lezake ordezkoren izenaren berri. Atzo arratsaldean ere sekretuan bilera berria egin zezaketarik ez da baztertzeko.

Corcuera ordezkoko izateko gehien aipatzen diren bi pertsonak Rafael Vera Estatuko Seguratasunerako idazkaria eta Luis Roldan Goardia Zibileko zuzendaria dira. Barne Ministerioko pertsonak izanik, erakunde ho-



Jose Luis Corcuera eta Ramon Jauregi atzo PSOEren Batzorde Federalak egindako bileran.

EFE

nen barne egoera ezagutzeak beren aldeko apustuak handitu ditu. Aukeratua Roldan edo Vera izango balitz, Gonzalezek ez luke bere Gobernuan beste aldatetarik egin beharko. Herenegungo bileran, gainera, karguan Ministerioa ondo ezagutuko lukeen pertsona jartzea eskatu zion Corcuera Gonzalez.

ASUNCION ETA HERNANDEZ TARTEAN


Barne ministro izateko aukerak dituzten artean Antoni Asuncion Espetxe Erakundeetako Estatu idazkaria eta Eligio Hernandez Estatuko fiskalburua daude. Lehenengoaren alde apustu egin zuen atzo Antonio Romero Iuko

diputatuak eta Corcuera berak ez luke gaizki ikusiko Hernandez fiskalburua, Hiritarren Seguratasunerako Legearen defendatzaile sutsua baita.

Aukera gutxi dute ordea, Juan Manuel Egiagarai Industria ministroa, Ramon Jauregi PSE-EEko idazkari nagusia eta Baltasar Garzon eta Ventura Perez Mariño epaile ohi eta gaur egungo PSOEko diputatuak. Garzon eta Perez Mariño poztu egin ziren Auzitegi Konstituzionalak Hiritarren Seguratasunerako Legearen bi artikuluko baliogabetu zituztean, eta horrek aukerak kentzen dizkie. Jauregik berak baztertu egin zuen atzo Corcuera ordezkoko izango zenik.

Nolanahi ere, ezin da baztertu Barne ministro berria orain arte inork gutxi ezagutzen duen pertsona izatea, Gonzalezek berdina jokatu baitzuen duela bi urte Julian Garcia Valverde Osasun ministroaren ordezkoko modura, Jose Antonio Griñan aukeratuta. Iñaki Anasagasti EAJko Kongresuko eledunak Jose Maria Benegasen hautagaitzaren alde egin zuen.

Atzo, berriz ere, burukide sozialistek Corcuera jarraipena nahi zutela adierazi zuten, ministroaren erabakia errespetatu egin zutela zioten arren. Joaquin Almunia ministro ohiak Corcuera lan «zoragarria» txalotu zuen eta ministro izateari uzteko «ez dago arrazoirik» gehitu zuen.



Apolinar Rodriguez.

EFE

Greba orokorra egiteko «nahikoa arrazoi» badaude sindikatuen ustez

MADRIL

UGT eta CCOO ez dute Gobernuaren neurri ekonomikoen aurka greba orokorrerako dei egiterik baztertzeko, atzo exekutiboko ordezkariekin bildu ostean jakinarazi zuten. Bilera horretan, Gobernuak kaleratzeak merkatzeko zenbait proposamen aurkeztu zituzten sindikatuak, guztiz onartezinak beren ustetan.

Proposamen berrien arabera, orain arteko taldekako kaleratzeetan beharrezkoa zen Administrazioaren baimena gutxiagotzea izango da beharrezkoa. Kaleratze bat taldekakoa izateko, ehun langile baino gutxiago dituen enpresa batean 90 egunetan hamar langile kaleratu beharko

dira, langile guztien % 10 ehun eta 300 langile arteko enpresetan eta 30 lagun 300 langile baino gehiagotan. Kaleratzeak kopuru horien behetikoak badira, banakako izango dira eta epailearen baimena besterik ez dute beharko legezkoak izateko. Taldekako kaleratzea izango da baita ere enpresak bere ateak ixten baditu. Berrogeita hamar langile baino gehiago dituen enpresak enplegu plana aurkeztu beharko du itxi ahal izateko. Banakako kaleratzeetan iruzurrik ez egoteko, enpresari ezin dute epe batzuetan langile gehiago kaleratu.

Enplegua arautzerako espedienteak aurkeztu ondoren, kaleratutako parteek 15 egun izango dituzte negoziaketak egin ahal izateko, eta ez 30 gaur egungo moduan. Kaleratutako edozein langilek 20 eguneko soldata jasoko du lan egin duen urte bakoitzeko banakako kaleratzea izan bada, eta 45 eguneko lansaria taldekako kaleratzeen kasuan.

Bileraren ostean, Marcos Peña Enplegurako Estatu idazkariak ukatu egin zuen proposamen honen bitartez Gobernuak lan merkaturak malgutzen duela. Sindikatuek greba eginda ere, «Gobernuak ez du bere proposamena aldatuko», Peña ziurtatu zuenez.

Apolinar Rodriguez UGTko ordezkariaren ustetan, Gobernuaren proposamenak nahikoa arrazoi dira «greba orokorra eta erantzun bortitza» egiteko. Bere ustetan, taldekako kalera-

tzeen definizio berriaren poderioz, kaleratzeen % 95etan ez da Administrazioaren baimenik beharko. CCOOko Jose Maria Fidalgo ere «hilaren 25eko manifestazioak baino gogorragoak izango diren ekintzak» egiteko ordua iritsi dela esan zuen.

LABURREAN

POLIZIAK 115 kurdu atxilotu ditu Parisen

Frantziako Poliziak 115 kurdu atxilotu zituen atzo Pariseko La Republique plazaren inguruan, joan den ostegunetik bere herikideen aurka egindako sarekadaren aurka protestatzen zeudela. Saint Deniseko atean beste 150 kurdu manifestaldia egiten saiatu ziren, baina Poliziak eragotzi egin zien. Protestaldi hauetan hiru poliziak eta manifestari batek zauriak jaso zituzten.

JUAN Guerraren aurkako laugarren epaiketa hasi da

Atzo hasi zen Sevillako Entzutegi Probintzialean Juan Guerraren aurkako laugarren epaiketa, 'Litomed auzia' izenez ezagutua. IU-Caren akusazioaren arabera, Juan Guerrak Andaluziako Osasun Zerbitzuko (SAS) giltzurdineko gaixoak Litomed izeneko klinika pribatura joan zitezen presio egin zuen. IU-CAk sei urteko kargu publikorako inhabilitazioa eskatzen du. Fiskalak, berriz, aske uztea eskatu du.

KASKO urdin bat arin zauritu dute

Kasko urdin espainiar bat arin zauritu zen herenegun Mostar hirian (Bosnia-Herzegovina), atzo Bill Aikman UNPROFOR-eko eledunak jakinarazi zuenez. Soldadu espainiarra mina batzuk zapaldu ondoren zauritutako bosniarrak salbatzen zegoela granada bat gertu lehertu zitzaion eta zauriak eragin zituzten.

Kioiko dorreak 16.000 milioiren truke salduta

Madrilgo Castilla Plazan eraikitzen hasitako KIOko dorreak azkenean saldu ahal izan zituzten, atzo, hirugarren enkantean. Dorre bat Caja Madridek erosi zuen 8.268 milioi pezetaren truke (360 milioi libera) eta FCC enpresak bestea bost milioi pezeta gutxiago ordainduta. 7.000 milioi pezeta behar dira 1992an KIOk porrot egitean amaitzeke geratu ziren bi dorreen eraikuntza bukatzeko.